

ijo
(nasa)
tan anpa nanpa

tan ma ala la nasa li pana e pona pi namako sin tawa mi. ni li ken nasa. taso ante la, soweli li lon sewi mi. ni li pona. nasa ala la ona li moku e linja mi. ona li moku la mi moku. moku li jo. ni li sin ala tawa jan. jan ale li sona e nasin ni. ona li kepeken suli. ale li kepeken nasin ni: ona li sin lon tenpo ante tan ma pi ijo mute. sina sona ala e toki ni la sina sama mi. ni li kama tan seme a? ijo ala li ken wawa tawa nasa pi wawa ala sama ijo ni. pini.

pini ala! mi awen lon. sina toki e ni. mi kipisi. taso kipisi mute li ijo wan la ni li jan anu seme? jan. ijo. ijo toki li ijo lon. lon la jan ala li ken tawa ni: ona kin li anpa e pakala ona pi nasin musi li ken tawa lon nasin anpa tawa ma telo. ona ale li wile lon telo ni. taso telo ni li suli la ona o weka. kala li lon telo la jan li kama tawa telo ona la kala li seli wawa e noka jan li ken moli a e ona! ni la o kepeken ilo tawa pi ma taso. ni li awen e pona sina sama ni: noka sina li seli ala tan kala tan akesi tan ijo ante. sina o awen lete e noka sina. luka kin li ken pakala e sina: sina tawa e ona lon nasin nasa la pakala li ken lon nasin li kule mute li kasi kin. nasin seme la mi ken sona e toki ni? jan li sona kepeken nasin seme? pilin li seme? pilin li sama kalama suwi pi tenpo pimeja. pimeja la walo. walo la laso. laso la jaki. jaki la pimeja sin. namako pi ijo ni li sin ala sin tawa sina? ni li ken ala ken lon tawa sina? ni li lon ala lon nasin mi. mi la ni li toki. taso jan ante mute ala li sona sama kasi kiwen suli wan ni. ona li sona e soweli ale la sina sona ala e soweli. soweli li wile ala sona e sina tan ni: ona li jo e kasi kiwen. ona li pana e telo e kon e walo e waso tawa mama pi nasin kalama.

awen la kipisi. awen la wan. ni li suli a: soweli sama mi li pana e mi tawa soweli pona ona. ona li lon kulupu! ona li musi lon tenpo mute! ona li musi utala. utala li ni: o mu. soweli seme li ken mu pi pona nanpa wan? ni li wile sona suli. tenpo la soweli wan li toki e ni: mu ni li pona ala. taso soweli ante li kute e ni la ona o pona e soweli pi pilin ike o toki e ni: mu sina li pona a. o toki ala e ike ona. ona li sama mu waso li suwi tawa kute lon kule ona. taso tenpo la soweli li pana e mu sama ni: lon la ona li namako tawa ijo kute ale. ni li kama la soweli o seme. ona o toki sewi tawa toki pini. ni li suli ala suli? ona li ken sin taso. sin. taso ala la jan o ken kute e kalama suwi pi tenpo awen ni. awen la ala li sona e nasin pona tawa ijo. ijo la ijo ante li pakala. nasin ona li pakala sin tawa ijo ante ale. a. ken la nasin li ni. mi pana e toki la ona li lon li ken ala ante lon tenpo kama. ona li kama la ona li awen lon lipu ni. ni li ante ala tan wile mi. nasin awen lon. nasin lon. nasin. ni li ijo ante tawa nasin lon.

mama pi ijo ante li pona ala tawa sina pi tenpo poka anu seme? tenpo poka la jan li toki e ijo pi toki toki. toki li toki sin e nasin pi kala waso. waso ona li kepeken ijo pi nasin sin. sin li sin. seme la sin li wile lon toki ni lon nasin ni. ona li lon. ona li kama sin ala. mi mi ala mi. sina sina ala sina. ona li ona ala ona. seme li sona e kon ona? ona li sona e poka ona la ona li ken lawa pona sin e ijo kama ona anu seme? jan kama sin li kama ala kama ken kepeken nasin kala? ona li pakala. pakala ale la pona li ken kama tan ona. ona li kute ala. ona li nasa ala tan kute ala. taso nasa li lon ma ona tan jan ante poka. mi tawa la poka mi li kama ante. ante pi poka mi li tawa anu seme? pilin mi la ni li lon tenpo. ijo o pini e mi. mi pilin pakala tan ni: mi ken ala pini pana e toki nasa sama ni. mi wile awen ni lon tenpo ale ale ale

mute mute luka tu tu. nasin seme la mi sona e nanpa ni? tan ni: mi sona. ni li pini ijo. pini mi ala. pini mi li ante: olin li utala ala e nasin pi tawa noka la o awen noka. jan olin li pona ala la o awen pona tawa ona. ona o lon. mi ken weka e nasin kute mi taso e nasin toki mi ala. toki li kama lon tenpo ale. ni li ante ala. ante la kute li kama ante. mi kute e ijo wan tan kute sijelo la ona li tawa insa li alasa e ni: ona o lon seme. ni la ona li tawa nasa sama wawa suno pi leko mute a. ona li leko tawa pakala... pona li pona tawa jan pi wile suno. kalama nasa li awen kama tawa mi la mi pilin ike tan ona. ni la mi pana e kalama ni tawa ijo ante. ijo ante kin li alasa e weka pimeja la ona o kepeken nasin pi sewi ma. taso lon la ni li ken ala. ona li sona ala e ken ni: jan li sona e ona jasima. ona li seme? seme li ona a. sina wile sona la sina sona e ni: sina sona ala. ni li pona tawa pilin la sina pona. sina o ken pilin pona tan weka pi nasa kalama pi ijo nasa. sina sona e ona anu seme? ona li sama wawa lon nasin ni: lon ala la ma. ala la ma. mi ma la tomo li ken ala. a a a. ni li wile pi kulupu ike: sina o awen lon tomo la sina sona ala e ijo toki ante kepeken ala ilo a a a. sina nasa pi nasin sin tan pali pi kulupu tenpo. tenpo ona li nasa e ijo ale a. tenpo insa ona li lili ala li ken wan e moku ona e sijelo ona e toki e ona e sina kin. pona pali li kama tan seme? sama la ike kin li jan mun. mi kin li jan mun. sina kin. sina o sona ala e toki nasa mi anu seme? sina pona la sina sona. sina pona la sina sona ala. sona ala sona la sina pona? sina o sona e pona pi nasin mu sina.

sina tawa tomo sin. tomo sin la lupa tu wan li lon. sin kama insa tan lupa wan. taso sina kepeken ona la ona li ala lon tenpo sama. seme la ona li kama ala? ona o kama sin. a, o kepeken nena ni: ona li ken kama sin e lupa. taso o kepeken ala ona lon tenpo mute mute, tan ni: sina ni la ona li ken pakala e tenpo kin. sina wile ala e tenpo sin la sina o awen lon tomo ni. ken la sina lukin e lupa ante. seme li lon ona? lupa ante kin. lupa li lon lupa li lon lupa li lon tomo li lon poka sina. ni la sina wile ala wile tawa lupa nanpa tu ni? ni li moli ala e sina. sina sona e ni. taso ken la ona li tan wawa sin. ona o tomo ala o tawa taso o kama supa pi ma nasin. a, ma nasin. sina sona ala e toki ni anu seme? ona li ma li supa li kama tan anpa ma li ken tawa nasa sama wawa pi suno mi. suno mi li awen e lon ale. lon li ken ala lon lon weka pi suno mi. kin tenpo ona li suli: ona li kama la ona li wile ala tawa weka li awen lon tenpo suli a. ni la kili li kama. toki ni li tan ijo ante. taso sina o sona e ni: ni li awen toki lon. o awen e ni. o sona e ni. o luka e kasi. o pilin e pona. o weka e ike. o kama sin tan pali lon nasin sin pi tenpo ante ala a. tenpo wan taso la sina ken pilin sama jan lili lon tenpo sin la ni li ike sama akesi lon ma pi suno ala. seme la sina sona ala e akesi pona ni? ona li pana e moku tawa ale. ona li lon ala la moku ala li ken lon. tomo la supa tu tu li lon li tawa lon tenpo ale ni: akesi li kama e moku. sewi li kama poka. poka li kama anpa. anpa li kama poka. poka li kama sewi. ni li tawa pi nasin sike. nasin nasa seme ante li sike sama ni? lon la ijo mute li sama ni. ijo ale la pakala li lon ala ni li ijo ala. mi wile weka e lipu ni taso mi ken ala. nasa la toki nasa li lipu lon ni. ni li sin ala ala ala. ijo ala kin ante li tawa kin tawa ma ni kin lon nasin sina kin. sina lukin la sina ni: nasa. pona. sina ni tu. o ma tawa jan. jan mute ala jan li kama tawa jan ante sama ma. ni la sina kama tawa jan sama ma la ona o pilin nasa mute tan ni anu seme?

tu tu wan. mi sona ala e nasin ni: tu tu li ken wan anu seme? sina wile e pimeja anu seme. mi kin li wile e pimeja lon tenpo. lon tenpo ante la pimeja li kama tawa mi tan wile ala. ken la ijo ante li weka e mi la mi kama lon pimeja anu ijo sama... mi sona pona ala. nasin pimeja li nasa. taso kule ante la nasin li nasa suli ala.

ijo mute li wile kepeken uta lon tenpo sama la seme o? ona mute li pona. mi ken ala a toki te ona nanpa mute li pona to. ijo mute li tawa lape. taso lon ala lon la ona li lape. ken la mi lape la toki ni li ken pini. nasin ante seme la jan li wile pini e ijo la ona li pali lon e ni. tenpo mute la mi wile ijo. ijo ni li wile e pali. pona. mi sona e nasin ni. mi pali ni la mi ken ijo ni. mi pali lili. mi kama poka lili tawa ijo pona. pona. o awen e pali anu seme. pali awen la mi kama poka lili sin tawa ijo. pona. nasin ni li kama e ijo pi toki ona anu seme... ni li pona. ijo pona o kama. taso pali li awen la tenpo la ken la pakala li lon la ijo li awen ala kama. ona li wile ala jo e sina. sina pakala tan seme? sina pali e seme? mi pali ala e pakala. ken la ona nanpa tu tu li pakala... mi sona pi pona ala. mi wile ala toki e pakala pi jan poka mi lon nasin ike ni. ni li ike tawa ijo ale. a. lape li toki e nimi mi lon tenpo sin. tenpo pini wan la mi toki jasima te ala to la ona te lape to la mi te ala to la ona te lape ala li ken ala to la mi te mi lape ala la sina toki te mi ken ala to anu seme? mi wile sona tan ni: ni li toki sina la sina sona ala e ijo. ijo ala li kama lon nasin kipisi pi jan leko telo. leko telo... lon ala lon la sina pilin e ni: leko telo li ken pona e sina? a a! sina pilin ni lon! sina musi tawa mi. suwi la pakala namako. ni anu seme? ni. ni ala la ala a. ni ala ala la lon a. pona la sina kama sona tan ni. sina pona. a. tenpo sin la te lape.

tomo sin ante la jan tu wan li toki e ni: ijo ni li wile e moku. ijo seme li wile e moku? ona li sona ala e ni... taso ona li alasa e sona ni: tan seme la ijo li wile tawa la ona o moku? ni li suli tan seme? ken la wile la ona li pali wawa kepeken ala moku la nasin ante anu ijo sama li ken lon. taso ni li sona wawa ala. musi utala pi mute suli ala li sama musi utala pi jan tawa nasa. te nasa to tan seme? tan ni: tawa li wile e moku. tan ni kin: jan ante li lukin e tawa la ona li pilin te mi kin li wile tawa sama ona to. ni la ni li nasa: tawa ni li kama tan jan wan li tawa tawa jan ante la ona li nasa li sona e nasin ona lon tenpo mute. taso tenpo ante la ona li sona ala. tenpo ante la jan lukin en jan kala li kama lon tomo sama lon tenpo lili la ona tu li pilin sama e ijo ante tu lon nasin ante tu tu. ni li kama e luka tu wan anu seme? ken la sina pilin e ni. taso lon la ni li ken kama e nanpa pi sona sina ala. sina sona ala sona e nanpa telo? ken la ni li lon ala lon li lon insa taso pi ijo ante pi nasin awen sama. a. ijo li mu la mi o tawa ona anu seme. ken la moku o lon tenpo nanpa wan. sina o sona e ni pini tan toki pini mi anu seme... pilin mi la ni. ni ala li kama: jan li lukin e lipu li wile ala kama tawa lukin ni lon tenpo mute tawa ken pi pilin nasa ni: pilin ni la kule luka luka anu kule pi mute suli tawa ni li lon li kama lon linja ante mute li kama e leko e sike kin, li ante e pilin ni tawa ni kama lon tenpo pi mute lili: te ni kama to ni li pilin wan anu seme? ni li lon ala. taso pilin la pilin ni li pilin wan. lon la seme? lon la ijo ala li ken sona e nasin. nasin li lon la mi lon insa nasin la anu seme la mi ken ala sona e kama ona e pini pi tawa ona? ni li wile anu seme... tenpo mute la mu tu li mu luka. mu ni li kepeken ala luka. ona li lon tenpo tu tu wan. taso tenpo ante la ni

li tenpo mute wan... nasin ni la sina wile sona e pilin kipisi ni la ni li ken wile e wawa pi mute suli a. ni li ken wile e wawa tan kipisi mute sina kin. ni li nasa tawa sina la sina sona ala e nasin waso. waso li ken tawa wile ona. ni la wile li lon la ona li kama ijo lon. ijo lon waso li ken pona tawa waso li ken ike tawa waso... ni tu la ni li awen: waso li wile. ni la ona li kama e ijo. ken la jan pi nasin soweli o kama e nasin waso. ni li kama lon ilo anu seme? a, ala. ilo li ante. kalama li suwi la ilo li pona mute tawa mi. taso kin kalama li ike lon lili la mi pilin pona sama tan ona tan ni: kalama ike kin li kalama namako li pona a! jan ante ala li kute e kalama ni lon tenpo ante anu seme? ni li ken la ni li musi pona tawa mi. tan ni la lon insa nanpa la mi kalama e nasa mute. nasa ni li kama tan seme? mi ken ala sona. taso ken la nanpa insa li sona e tan pi wile ni mi. ala ala ala la mi pakala? ijo ale pi poka mi li kama ante la mi ken awen sona wawa e ijo wan ni: ken li lon.

o alasa e sona sin lon ni. ken la kalama li kama tan ona li lipu. ken la kalama li open sin lon tenpo sin ante. tenpo mute ala la jan li lon li tawa lon tawa ijo ante li ken ala weka tan nasin ni tan wile pi kule ona la ni li nasin sin tawa jan pi tenpo sinpin weka. mu nanpa wan la sinpin li weka. mu nanpa tu la sinpin li poki ala. ni la ona li ken sama supa li ken ante e lukin sina tan ona lon nasin mute a pi sona sina ala. ni li lon la lon li nasa. taso nasa li lon. sina o sona e ni. sina sona ala te nasa li lon to la sina lukin ala e lipu ni, tan ni: sina lukin e lipu ni la sina sona e lon pi ijo nasa. wile la kulupu waso li lukin e lipu ni li pilin te mi ken sona wawa sin tan lipu ni to la mi pilin pona tan ni, tan ni: ni li wile mi. ante ala li lon. seme li ken pana e nasin sin pi wile utala tawa ijo sama.

nasin ante la mi wile toki e ona: sina sona ala e sina sama lon sinpin sina la sina sin tawa nasin tawa pi nasin sinpin. supa li lon sinpin la sinpin li kama ko li lipu e sina! taso o sona e ni: ni li nasa ala li sin mute ala. ni li kama tawa sina lon tenpo mute. ken la sina sona ala e ni. sona mi la sona li weka tan sina lon tenpo mute. taso tan li seme? tan seme la sona li wile tawa weka sina? ni li nasa tawa sina anu seme: sina o tomo e sona o kepeken ona lon tenpo mute tawa ni: ona li tawa ala weka sina. ona li ken tawa. ona li ken lon kipisi wan li ken kama tan kipisi ni li ken tawa kipisi ante pi supa suli ni. supa li wan la ni li wile e pali lili. supa li tu la ni li ken ala. supa li tu wan la ni li wile ala e pali. supa li tu tu la sina o lape. sin la lape li wile pi ijo ale. lon la lape ala li lon la jan li ken ala awen kama pona tan weka lape pi nasin pimeja. soweli li nasa tawa lape. taso lape la soweli li nasa ala. lape li sona e nasin soweli mute mute a! tenpo li sona e lape. taso lape li sona ala e ni: tenpo li lon. ni la nasin li sike tawa poka wan, li sike ala tawa poki ante. tan ni la sina ken sona e nasin pi ijo pi nasin ante. ni li ijo sama ala. o pona.

sina tan ala tan poka nanpa? wile la tan. taso te tan ala to la ni pakala ala. sina awen ken lukin e lipu ni. taso sina o kama poka nanpa. ona li ken e sina lon nasin mute pi sona sina ala. sina sona ala e ni anu seme: nanpa li lon ala la sina li ken ala tawa ante li ken ala lon tenpo li ken ala moku li ken ala lon li ken ala li ala a. ni li monsuta tawa sina la sina o kama e ni: ni li monsuta ala. nasin seme la sina ken weka e monsuta pi ijo kama ni? sina wile e sona la pona la sina lukin e lipu ni! mi ken pana e sona pi nasin pona. mi tu li ken weka e

mute

monsuta. nanpa wan la o kepeken poki. poki li ilo wawa li ken e kepeken nasa mute. poki li ken lon insa pi poki ante la ni li kama e nasa pona seme? poki tu li ken ala ken lon insa poki suli? poki insa tu li ken ala ken suli ante? ona li ken la sina ken toki e ni: mi alasa e ijo la o lukin lon poki selo. ona li lon ni la pona. ona li lon ala la o lukin lon poki insa ona. nanpa wan la o lukin lon poki insa pi suli nanpa wan. o awen e nasin ni tawa pini pi linja insa ni. ni li pini la, sina tawa jasima sin la, o lukin lon poki ante, lon poki lili. nasin ni la sina ken alasa e ijo li ken sona te ijo li lon seme to lon tenpo pi lili nanpa wan. wa. sina kama sona e nasin sin tan ni anu seme. mi la ala. mi la ni li nasa taso li ike suli. sina li lukin e ni li pilin te mama pi toki ni li pona to la sina sona ala e mi. mi ante. ijo li pilin sona e pona mi la ona li toki e pilin ona pi pona mi tawa mi la mi kama sona e te pona to mi la mi ken pakala e ni lon nasin ni: mi pona anu seme lon nasin ni la mi o kepeken pona tawa seme? tawa ni anu seme: mi pona e jan poka? taso toki lawa pi nasin jasima li lon ala lon? ona li lon ala la kama ni li ken pakala suli tawa mi. taso ona li lon la mi o kepeken nasin. nasin li pona. nasin ante li pona sama ni? mute la jan li wile ala sona e ni: mi toki e seme. taso sona ni li kama la mi nasa e ijo mute lon nasin sin kepeken namako pi sona jan ala. te mi to li seme a. mi kute e ijo mute la ona li toki e nimi te mi to la mi pana e toki ni. taso ona en mi li ijo ante. mi lon. pilin la mi ala li toki e ni. mi kute e ni. taso ijo ante li toki e ona tawa mi taso la ken la mi nasa. ken ante la ni li kipisi insa li pana e sona sin pi nasin mi. a ni li toki e ijo seme li kama e sona seme a? mi wile sona e ni: tenpo ala tenpo la jan wan li lukin e lipu ni ale. jan Itan li wile ala wile pali ni? ken suli la ala. ken suli la ona li wile lukin lon tenpo lili e lipu wan taso anu ijo sama ni. ona li mi. nasin toki ni li nasa tawa sina li sin tawa sina la sina nasa ala. ona li nasa. taso wile sona suli la jan wan li lukin ala lukin e ni ale. ni li musi mute tawa mi. mi o pini e ni: kala sina li moku e palisa jelo pi soweli jan mi. ni li ike tawa ona. pini li kama tan ala. taso ona li kama. o pona mute. o awen namako.

lawa jan li kute e nasa la ona li ken ante e ona tawa ijo pi wile ona. ni li sama lon lukin. ni li sama lon pilin anu seme. ni la o lon e ijo poka pi wile sina. :)

toki seme o lon ijo? sina sona la o pana. pana sina li pona la mi ken toki e ijo sin ni tawa sina: sina pona. sina kute ala kute e ni lon tenpo ante anu seme? sina pona a. sina lon kulupu. kulupu o lawa ala lawa e nasin sina? sina wile e ni anu seme? mi awen tawa lon poka kala la mi kalama wile kepeken nasin ante pi sona ala sina. ante la mi sona ala e ni: kipisi toki ni li seme?

ma li pona e jan pi wile ni: utala insa o weka. sina wile ken weka e utala insa la o tawa ma. ma li pona e lawa e ken pi toki insa. jan li lon tomo lon tenpo mute la lawa ona li kama sama tomo. jan li lon ma lon tenpo mute la lawa ona li kama sama ma. tomo li pini. ma li open. lawa li pini la ijo sin li ken ala kama tawa insa ona. lawa li open la ijo sin li ken tawa insa ona. ale pi lon mi la mi alasa open e lawa mi. mi wile ala e ni: mi pilin sona pona e ijo la mi pini alasa namako e sona mi lon ona. ni li nasin pona. ni la mi sona e ni: mi o lon ma. taso lon la tan ijo la tomo li ken pona li ken ike. pona la ona li selo e jan tan lete tan seli tan telo sewi tan nasa ale ni. ike la jan li lon ona lon tenpo mute la lawa ona li kama sama li kama

pini. mi wile ala pini e lawa. lawa o awen kama suli lon tenpo ale mi. ni li nasin pona pi kama sona. nasin toki te kama sona to li kama e pilin ni kin: tenpo ala la kama pi sona ni li ken pini. ala la sona li pini e kama suli. ken la sona li lon tenpo wan li ken weka tenpo ante. ken la sona li kama ante lon tenpo mute li kama suli taso ala. mi sona ala e nasin mi. taso la mi alasa. taso la mi sitelen e ijo lon lipu ni. mi wile e ni: mi weka e lawa pi toki insa mi la insa mi li ken toki pona e ijo. tenpo mute la pali mi li sama ni... toki insa mute mute li lon. ona mute li ken. ona li ken musi tawa jan poka, anu ken sona pona tawa jan poka, anu ken musi tawa mi taso, anu ken ike kin, anu ken nasa lukin e mi tawa jan poka, anu ken pipi tawa jan poka. taso lon lipu ni la wile suli ala la jan mute o lukin. ni la ni li suli ala: toki ni ale li pona mute ala pona mute. ona li nasa taso la ale li pona. awen la ona li pona ni: toki insa mute li ken toki pi insa mi taso ala. mi wile weka e toki insa lon tenpo. ona li kama lon tenpo ale la mi o pana e ona o awen e tawa ona anu seme... ken la ni li pona ala. taso ken ante la jan li ken ala lape anu ijo sama la ni li musi. ona li pona e pilin mi li pana e pilin ni: ale li pona a. mi kute e kalama musi. toki li tawa. taso ona li tawa seme? taso la ona li tawa lipu ni. tenpo la mi pilin e ni: ken la mi toki insa lon tenpo pi suli ike, lon mute pi suli ike. suli li ken ike tan ni: mi toki insa mute tawa jan ante ala la nasin mi li ken kama ante tawa nasin toki kulupu. ken la toki mi li sona tawa mi taso. taso mi pilin pi pona lili tan ni: tenpo wan la mi toki e pilin ni pi ijo pi ken ike tawa jan ante, la ona li toki e ni: te a tenpo la mi pilin ni to. nasin ni la mi ken sona e ni: jan ante kin li toki insa sama mi, lon nasin wan ni. ni la pakala ni li weka lili e ona sama. jan ale li wan taso lon nasin ni: jan ante ala li pilin pi sama ale, sama ona. taso jan ale li wan taso ala lon nasin ni: ni li pilin pi jan ale. jan ale li wan lon pilin ni: te mi wan taso to. sina pilin ike tan weka pi jan poka la o sona e pona ni: lon pilin ni la mi lon poka sina. nasin ni la jan ala li ken wan taso lon. kipisi lipu kama la mi wile toki e ijo ante pi nasin insa mi. tenpo la mi pilin e ona. taso ona li ken ike lon toki, tan ni: ona la mi wile toki e ni: nasin seme la mi toki. ni la mi toki toki. ni li ken nasa. taso pona la pona toki li suli ala lon lipu ni. kin ijo toki wan li ike lon tenpo nanpa wan pi alasa mi la awen la mi ken alasa toki pona e ona lon kipisi kama. mi sitelen mute la ni li pona. sitelen tu anu mute li sama la ni li ike ala. sina lukin la sina nasa. taso suli la sina pona. ijo lukin o. o sina pi pona nanpa wan lon tenpo ale pi ken sina. o sina pona a. (mi pakala ala e toki ni. ona li nasa la o lukin sin.)

mi wile toki tawa sina la mi ken ala tan ni: sina alasa utala e mi lon ni. taso mi utala e sina la ni kin li ken ala tan ni: toki sina la sina wile toki taso tawa mi. ni li sike nasa. mi ken ala awen lon ike ni. o tawa weka mi.

wile mi pi tenpo wan pini li sama ni: taso la mi wile e ni: sina ken e ni: mi olin e sina. pilin pini mi la mi ken pana e olin suli mi tawa sina la ni li pona ale e mi. tenpo ala la sina kama sona e sona mi pi tenpo suli e ni: mi en sina o jo. taso mi kama sona e ni: weka pi jo ni li pona tawa sina. ni la sina alasa e jan ante ni pi nimi mi: pilin sina la pona ona li suli tawa pona mi. ni li lon la mi pilin pona tan ni: mi olin e sina. olin mi li pona la mi pona. mi pona.

mute

pali mi li ni: sina ken open e sona pi lipu ni. ona la toki suli luka tu li lon. sina wile sona e lipu la ni li ken wile e pali mute. taso la mi open lili e sona suli. ken la mi ken pali sama ni: sina kama tawa insa tan poka. nasin ni li ken nasa lili. lipu ni li sama ni: ona li toki sama ni: nanpa wan la mi ale li ijo toki. ni li pini la mi ken sijelo pi pali mute. nanpa wan la mi o ken toki insa e ijo. mi o ken kulupu e ijo o ken lukin insa e ijo pali. lipu ni la nasin li ni: mi ken toki e ijo sama ni: ijo ni li lon. ijo ni li lon ala. a, o toki insa e ni: nasin seme la ni li ken? ijo ale la ona li lon anu lon ala la ni li toki e seme? nasin seme la mi ken toki e ijo lon? poka wan la lon li lon. poka ante la toki li lon. seme li lon insa ni? n. toki li alasa jasima e lon. tenpo mute la mi alasa sona e ni: toki ni la sona li ken ala ken. ni li wile sona suli. a. toki ale la ona li ken kipisi mute li tan ijo lili mute. o ala o ala e ijo lon nasin sike. lipu li alasa toki e ni: nasin seme la mi ken toki e ijo lon? to la ona li toki e ni: mi jan. mi alasa jasima e lon toki, kepeken sitelen. sitelen insa o sama ijo lon. ijo ante (en jan ala) li ken toki insa la ni li pana e sona seme? ona kin li toki sina la nasin ona li sama ala sama nasin toki jan? ken la poka ona en lon ona li ante la nasin toki ona li ante. lipu li toki e ni: nasin seme la sitelen pi ijo lon li ken. lipu li toki e ni: ijo ni li ken ala lon ala, la ijo ni li suli. taso sina kama sona e lipu la sina o pilin e ni: toki ni li ken ala. ni li sike nasa. kepeken toki Inli la mi ken toki e nasin pi ijo tawa lon lon. taso mi alasa toki e nasin toki mi kepeken toki pona la mi o tawa suli seme? mi wile toki e nasin pi toki Inli la mi ken ala weka ka insa pi toki Inli. jan sona li alasa toki e ijo la ni li wawa lili lon tenpo mute. lipu li toki e ni. taso ni la lipu li toki ike e ona sama lon nasin. ijo mute pi lipu ni li toki lon ona sama. ni li nasa.

pilin mi la ona li pana e sona pona lon lipu ni pi wawa mute. lon la lipu ni li pona wawa. kin ona li lili. lipu ona li lili tawa #A. toki suli luka tu li lon. toki lili ante li lon insa pi toki ni. toki ante ante li lon insa ni. lipu li selo mute. open lipu la sina pilin pona sama ni: te a mi sona e ni. ona li kama toki e nasin pi ijo lon tawa mi to. taso kama la ijo nasa ante mute li kama li ijo taso ala pi nasin pi ijo lon. pini la toki nanpa en ijo ante mute li lon. mama lipu li toki e ni tawa jan pana lipu: suli pi lipu ni li ijo sama ni: te seme o lon? seme li pona? to. ona li sitelen e lipu ni lon tenpo pini a. ona li poka pini e pali ni la ona li toki e ni: mi alas pali e ilo. ilo o pali e ni: jan li ken kama pona. ona li toki e lipu sama ni: ona li ilo. ni li wawa. ken la ona li toki nasa e ona sama, sama ni: ona li jan ilo. ona li wile pali e lipu sona taso ona li ken pali e ilo taso. ni il pilin ona. taso ona li awen wawa lon kulupu pi jan sona pi nasin pi ijo lon. ona la sona pi nasin pi ijo lon li pali, li musi. pilin ona li sama ni: wile li ni: sona o ken tawa. toki. toki pi nasin pi ijo lon. kin ni li pali. jan li pali e ni. ona li sona se tawa ala. ona li ken musi e ilo kalama pi nena pimeja pi nena walo. ona li wawa lon ni. poka ante la ona li ken toki e ijo nasa pi nasin ni. kin mi ken toki e nasin ona sama ni: pali ni li wile e ni: jan li kepeken luka lon nena walo pimeja. taso ni li pana ala e sona ni: nasin seme la mi ken musi e ilo kalama? sona ni li ken kama tan ni taso: sina o alasa ni, o pali. sona pi nasin pi ijo lon li sama ni. ona li pali, li sona ala.

wan. mi pali e ijo. ona li pona tawa pilin mi. ijo li kute e ona la ona li toki te o pana e ni tawa ale to. taso ijo insa li weka e ken pana sama ni: pakala li awen lon kalama ni. ni la mi wile ala pana e ona. taso mi awen kepeken nasin ni lon ale la ike ni li ken: mi pana ala a e

kalama. mi wile ala e ni. mi open e kama sona pi nasin kalama ma la wile wan mi li ni: jan ante o kute e ona. ni la jan ante o kute anu seme. a ike ante la mi sona ala e ni: mi wile pana e toki seme lon kalama ni. sijelo wan mi la toki o toki wan taso anu seme. ante la kalama li pini. ni la mi o tawa kalama nanpa kama pi pana ala. ni li sike.

jan mi li kama lon tomo mi lon tenpo lili. mi en ona li lukin e kasi li pilin pona lon anpa suno. ni li tenpo pona. ona li pana e kalama musi sin tawa mi. ona li pona. mi lon li kute e ona. kon mute li lon poka mi. mi tawa e luka mi la mi lukin e ni: poka mi kin li tawa. tenpo en tawa li jo sama. ona li sama lon nasin. nasin li sama ni: jan li ken ala sona pona e ona. tenpo mute la jan li wile sona te seme li lon to. taso tenpo ala la jan li wile sona te lon li seme to. jan o ni. o wile sona e nasin lon pi poka sina, pi ma sina. sina sona ala e poka la nasin seme la sina ken lawa sina? poki li lawa. sina lon poki la sina ken ala lukin e ni: seme li lon weka poki? kin sina ken ala sona e ni: tan weka poki la poki li seme lukin? ni la sina lon insa poki. poki li lawa e sina. ijo li lon ala insa poki la sina ken ala ona ijo. ni li nasa. toki kin la ni li lon. mi lon insa pi toki pona la mi ken ala sona pona e ni: toki pona li seme? taso la mi kepeken ona. mi pilin e ona. sina alasa suli sona e ijo la ijo li wile tawa weka sina. sona li ken sama soweli lon nasin ni: jan li wile jo e ona li wile pona tawa ona la ona o alasa ala e ona o awen o pana e luka open o wile pakala lukin ala o kama e ona e ona soweli e ona sona tawa ona kepeken nasin pona ni. jan li alasa e ijo la ijo la ona li wile weka alasa ni. tenpo la alasa li lon ala wile pi nasin pona. taso mi sona ala e nasin pi ijo pona. taso la mi toki. kin mi sona ala e ni: mi pini e toki ni la mi pi tenpo kama poka li awen ala awen e sona pi tenpo sitelen ni. tenpo mute la ona li lukin ala. ken la ona o lukin. jan poka mi li pana e pilin ni tawa mi: en ona en mi li pona li ken li wawa li toki lon ijo pona. ni la mi pona. taso awen la jan li wile e mani la mi o ijo ante. mi weka ni.

weka suli la nasa li kama tan mi la mi o pana a. jan li wile e nasa mi la jan ni li awen lon tenpo suli. taso awen la mi ken pana e ona. ona li ken suli li ken lili kin. taso tenpo ale la ona li pona (tawa jan wile). jan wile li nasa anu seme? taso la mi pana e ijo nasa. taso ni li pona tawa mi la seme la nasa la ni li pona tawa jan ante kin? nasin toki li pona e sona mi lon tenpo kama. awen pi pana nasa la nasa kama li kama ala kama lili? mi sona ala. poka ante pi sike suli tenpo la mi sona e ni. taso ni la mi pilin pona. mi sona ala e ijo la mi pini ala e ona kepeken sona. ni la ona li ken ona. pilin mi pi tenpo lon la ni li pona. a nanpa kama li kama mu lon tenpo ni. ona li nanpa pini. sitelen li lon kalama. mi wile ken lukin e kalama kepeken lawa mi. a taso lon la mi ken ni. taso mi wile e ni: ken ni li kama wawa namako. ale la, ni tu: ona nanpa luka luka luka luka tu li pona tan pana. sina pona tan jo.

ken ala. ken sona.
